

11. februar 2014

UPA 2014/106

Inatsisartut suleriaasianni § 33 naapertorlugu matumuuna Inatsisartut aalajangiiffigisassaattut siunnersuut imaaattoq saqqummiuppara:

Sinerissap qanittuani qaleralinniarnermi Upernaviup, Uummannap Qeqertarsuullu aqtsiveqarfiini aqtsiveqarfiit titartagaanerisa siunnersuutip tunngavilersuutaani allattorsimanerattuut kiisalu ilangussani (bilag) 1-miit 4-mut titartarsimaneri malillugit allanngortinneqarnissaat isumageqqullugu Naalakkersuisut peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Karl-Kristian Kruse, Siumut)

Tunngavilersuut

Ukiuni kigullerni annertuallaartumik killilersuinerup kiguneranik ukiup ilaannaq aqtsiveqarfintti qaleralinniartitsalerneq inuiaqatigiinnut akisuallaalersup qaangerneqarnissaanguniarlugu siunnersuuteqarpuga, aammalu aalisartut aalisartunngorusuttullu akuersisummik pisinnaanngittuarnerat aningorniarlugu.

Aqtsiveqarfiit titartugaanerisa allanngortinneqarnissaat aqqutissaasoraara nalequlluartoq, aqtsiveqarfiimmi titartugaanerisa allanngortinneqarneranni kitaani aalisarfiit allat assigalugit aalisartut aalisarfigilersinnaammatigit ukiup qaammataasa ilaanni.

Ilisimalluarpara pinngortitaq titarnerit nutaatut siunnersuutima avataatungaaniittooq aamma annertuumik imminut illersortoq killilersuillunilu.

Upernaviup avannaani

Upernaviup avannaani Ikerasassuarmiik avannamut aqtsiveqarfiup avataanut kitaanituuq inissinneqassasoq. Avannarpasissuseq N73°51.844 avannappasinnerusoq Upernaviup kujataani Kangermiik kujammut aqtsiveqarfiup avataanut N72°31.987-mut inissinneqassasoq. Taakkunani pisat pisassiissutinut ilanngaataasarunnaassasut siunnersuutinni aamma aguniarpara. Taamaalilluni Upernaviup aqtsiveqarfigilissavaa N72°31,987-miik N73°51,844-mut. (Bilag 1)

Uummannap aqtsiveqarfia ima titartorneqassaaq

Uummannap slluani aqtsiveqarfik imatut titartorneqassasoq siunnersuutigaara:

Ikorfaniik Qiioqimut titarneqalissasoq taassumalu avataa aqtsiveqarfiup avataanut inissinneqarluni avannarpasissuseq kippasissuserlu killigissallugit Ikorfat N70°46,622 V53°05,109 - Qiioqi N71°08,798 V52°29,017. Titarnerup kangia aqtsiveqarfittut pisassiiffiusassaaq, titarnerullu avataani pisat pisassiissutinut ilanngaataasarunnaassasut siunnersuutikkut aamma angorusuppara. (Bilag 2)

Qeqertarsuup tunuani aqutsiveqarfimmut allannguutit

Ikorfat-niik N69°58,143 kujammut titarlugu N68.5-mut, kiisalu V51°28,608-up avataa aqutsiveqarfip avataanut inissinneqassasoq siunnersuutigaara, taasumalu avataani pisat pisassiissutinut ilanngaataasarunnaassasut aamma siunnersuutigalugu. (Bilag 3)

Aammalut qimussinut atuuttussaq Ilulissat kangiani V50°54-miik kangimut aqutsiveqarfinnut pisassanut ilanngaataanngittumik aalisarfinngussasoq siunnersuutigaara. (Bilag 4)

Neriuutigaara Inatsisartut siunnersuutinnut ilalersuilluarumaartut.

Siunnersuutip aningaasatigut allaffissornikkullu pisortanut kinguneqaatissai

Nalilerneqarpoq aqutsiveqarfuit titartagaanerisa allanngortinneqarnerat pisortanut annikitsuinnarmik aningaasartuutaassasoq, aningaasartuutaasussallu taakkua aningaasartuutissatut missingiussaareersut iluini matussuserneqarsinnaasutut aamma nalilerneqarlutik.

Siunnersuutip namminersorlutik inuussutissarsiorfintunut allaffissornikkut aningaasatigullu kinguneqaatissai

Soqanngilaq.

Siunnersuutip innuttaasunut allaffissornikkut aningaasatigullu kinguneqaatissai

Soqanngilaq.